

Section 1



KBC/Thuso

August/Lhajang 2021

KUM
57
Lhinna
So506

Regd.No.19134/88
<http://www.kbc.org.in> NAI/220/99
No-G-4/Regd.Magazine/
KBCThuso/MNP-81

DAMTHEINA



September Events

Shalom Theological Seminary-08
Meithai Nikho-22

*"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"*

John. 17:11

Centre Church Joujangtek Pastor Quater
ana kithenso ta



Kuraopokpi Hou in thah kisa machal jing



Sarang tampak guest house ana kithenso ta

CONTENTS

THUMAKAI HO

"VACCINATION! VACCINATION!VACCINATION!" /Editorial	2
COVID-19 CHUNG CHANG THU/Dr. Hatneiting Haokip, MD	4
"MI OIMO HIH IN"/Rev. Tingoulen Haokip	7
"Lenggam Natohna dia Kichuhna"/Rev. Dr. Haoneo Haokip	10
Mission Column	12
Women Column	13
STS Column	16
Education Column	18
CENTRE CHURCH LE GAMBIH-HO	21
Office Diary	24
KUKI CHRISTIANTE LAH'A	27
TAHSA LEH LHAGAO PUIHINGTHEI THUGOLHO	28
Servanthood Quotes	29
LHAMONNA THUTHOT	31

EDITORIAL BOARD

<i>Chairman</i>	: Rev. Tonglet Haokip, President KBC
<i>Editor</i>	: Dr. M. Thongkhosei Haokip, General Secretary
<i>Joint Editor</i>	: Rev. Onkho Haokip
<i>Contributing Editors</i>	: 1. Rev. Thongkhohun Touthang 2. Rev. Lamkeng Lhouvum 3. Rev. Tongmang Haokip 4. Ms Tingneihing Kipgen 5. Rev. Lunkhosei Tuboi 6. Rev. T. Thangkhosei Haokip

Design & Layout – Pu S. Lenboi Haokip
Circular Manager – Pi Vahboi Baite
Recorder – Ms. Nemhoichong Haokip

THUSO LAHMAN

Church/Organisation/ DepartmentRs. 300/-
Individual Rs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 70895979446 Contact thei.
Circulation to kisai lam Mobile No. 9862107393 bol ding.

Editorial...

**“VACCINATION!
VACCINATION!
VACCINATION!”**

Editorial

Amasatah in muntina um Kuki Christian chate jouse ahideh a KBC member ho jouse chung a i Pakaiyu Jesu Christa minin salaam kahinpe cheh uve.

Issue masa chun haina hu (Oxygen) ipijeh a tukhanga lhasam ham chule Covid pandemic laiya mihemten angaichat thudol ina seiyun ahi. Tulha issue ah hin vaccination ipijeh a ngaicha ham ti thudolah ana kihoulimu hite. Mipi damna ding le amasaa banga hinkho aumkit theina dingin ningkuma pat in athem achingho'n damdoi/lou (medicine) sem ahung kitet un, kumlung keyin aphant aset imaho ganca chung hihen mihem chung hile apatep un, aphantmona akimu lou toh kilhonna agam agama kihom jalla vannoi gam jousea mijouse kikap a, hiche damlouna hi suhbei ding ti ahi.

Ahin, hitobang thilphatah a tohguon aum vangin mi kimkhat in aselam tah in aseiyun, mipi hi ahoh chavaiyun, alam alama lamkaiho jeng jong ginchat le kinep umlou tah in kikap nomlou/ngamlouvin aum sah tauvin, mi jouse damtheina dinga lou kiseum chu kikapsah louva thisah tei ding tihi mi kimkhat kisah boina danin ahung kilang

tai. Ipijeh a kikap ding ham tina a donbutna masapen le ajeh pipena seidingin, eima le ivella ho hoidohna dinga kikap ding ahi. Covid-19 jeh a million 2 vel thi ahitan, kikap hin athithei tampi ho ahuh thei ahi ti sumil pou hite. India sung a jong Covid jeh a thi lac 5 val jen ahitan, 3rd wave le adang aumbe nahlai jong le kivenna thei pen chu kikap hi ahi.

Chule, World Health Organization (WHO) in kivenna dinga mijouse kikap dinga aseih toh kilhonin vannoi leiset a Gam khangtou jouse kikap a lockdown jong ol ola alahdoh u ahitai. UK gama jong akikap jeh uva Euro 2020 tunaicha a London khopiua kibona a chun koima mask kitobeh talouvu ahiuve. India sung jenga tumasanga akhohpena kihe – Maharashtra, Delhi, Karnataka, Gujarat kitihon mass test le vaccination abol jeh uva tuhin lockdown alhakang pan tauvin ahi. Iki-kap diuhi Government thungaina ahin, government kiti chu Pathen tun ahijeh a mipi'n alhendoh theiyu ahi. Mipi setna dinga amahon ima abol lou beh diu ahi, ajeh chu amaho jong mipi ahiuve.

Chukitle, tahsanna a ibulpihou – ABM, CBC-NEI, MBC lamkaihon jong kikap dingin aseiyun ahi. Chukit leh, Pathena kona ineiyu se le pha hetna lungthim manchah ding ahi. Ihouvu iPakai Jesu Christa mijendamna natoh banjoma tukhanga dinga scientists, doctors, nurses, paramedics, etc ho ahiu toh kilhonin Pathen tahsanna le amaho natoh sanna in kikap ute. Ahideh a tahsan chate le KBC context a seidinga chu Pastor le workerho, missionary le evangelist hole mipi kelngoiho khat a dinga vetjui thei na dinga pohdoh ngai ahi. Lungluttah a simho jouse chungu Pathen vangboh chang cheh tauhen.

Damtheina Khohsah

COVID-19 CHUNG CHANG THU CHULEH HETDIA POIMO


PHABEP HO

Dr. Hatneiting Haokip, MD

Sermon

SYMPTOMATIC LE ASYMPTOMATIC SEIKHEN NA:

Covid-19 natna vei hohi hopni'n akikhen nin, hichu Symptomatic le Asymptomatic akitie. Symptomatic hohi anatna kihedoh thei tichu symptoms (nat kihetna) nei tina ahin ahinlah Asymptomatic hohi natna vei a-hia anatna kihedoh lou tichu symptoms ima umlou, aveilam jong kihetlou, testing teng lebou result a kihedoh tina ahi. India a Covid19 natna vei hohi 80% tobang hi asymptomatic/mild symptoms ahiuve. Covid19 symptom hochu: Khosih (Fever), Khut (Cough), Lol nat (Sore Throat), Op-nat (Chest-pain), Eh-kho (Diarrhoea), Luchang nat (Headache), Hai khoplou (Shortness of breath), Hiche holah a common pen hi khosih (Fever) hi ahi.



Ipijeh a quarantine center ahi ni 14 sung kikoi ham?

Research tamtah in amu dungjui achu covid-19 hi ikilah apat a symptoms inei kah (incubation period) hi alhangpia ni 14 chan lut

ahin, hijeh a chu ni 14 chan quarantine center a kikoi jiu ahi. Ni 14 sunga atahsa chungsa symptoms ima akimu louleh natna vei lou tia simthei ahi.

COVID ivei leh aki damdoh kit nadem?

Covid-19 hi high transmission rate but low mortality rate akitin ahi. Hiche hin aseil nom chu avei tamtah aum vangin athi lhomcha bou ahi e tina ahi. Alhangpia adamdoh joulou hohi co-morbidity tichu natna dang nei (diabetes, hypertension, heart disease, cancer, respiratory illness) holeh ahanlang (kum 65) ho ahinom jin ahi. Hiche jeh ahi inu ipateu, ahanlang ho ingailut nauleh ivendoh nathei napen uchu khangthah eiho ivei loudiu, ijemtia avei dia ikiginmo tah ujongleh amaho akon gamlha a ium diu hi damdoi phapen ahi.

COVID POSITIVE CASE KIJAN DAN:

Inlang ah thinglhang damdoi tamtah kijan dingdan isei uvin alhangpia ivet le immunity boost ding dan ngen ahidan kamu e. Hospital ah kijan dan ana veu hite. Symptoms neilou hochu achom a lou (medicine) ima aneh uh ngailou, atahsao asuh hat nading bou kineh sah uh ahi. Basically, symptomatic treatment bou kipeu ahi. Vetsahna'n fever neiho paracetamol chuleh cough neiho syrup kipeu ji ahi. Covid virus hin lung (chop) ahatoh khah pen in, hiche jeh hin aphant cheng in adamlou hohi oxygen level aki check jing in angaicha aum leh oxygen akibu peh jin ahi. Chuleh infection dang akon akiven nading in antibiotic le antiviral (oseltamivir) akipeu jin ahi. Co-morbidities (nantna adang) neiho vang akhohse jep jiuvin hijeh a chu hospital a phatea aum uva hoitah a anatna dungjui a akijen u angaiye.

Covid positive ho iti damdoh ham:

Achung a isei bang uva mi 100 lah a tuchan a 40 tobang damdoh ahijeh in mijousen aloula akisem doh naipon iti damdoh uham tih i boipi pen uh khat chu ahi. Hiche jeh hin adamdoh dan gah veuhite. Vetsahnan, Viral fever ahilou le dengue fever (Delhi a common mama) jong khu alou aumlou mipi jousen ihet u ahin, hinlah atamjo damdoh ji ahi. Ajuh pentah chu itahsa sung ahi natna galsat ding antibody inei cheh uh ahin, hichun immunity ahatsah ahi. Mihem khat chu natna anei teng leh immunity (tahsa vengtrup) chu thakhat a nemsuh ji ahitan, nini nithum jouleh hiche antibody (tahsa sung a natna galsat) chu oltah a hung kistem a immunity ahin hatsah kitji a itahsa hung damdoh kitji ahi. Hijeh a chu Doctor hon adammoho

tahsa hatdan niseh leh kivesui jing ahi. Tahsa sunga antibody hoitah a akisem thei nading chuleh natna dang akon akiven thei nadia neh leh chah hoitah kibol a doctor hon lou angai dungjuiya kipe a ahiloule oxygen angai jongleh kipeji ahi.

Achaina dingin ihetsah u hijongle iti kiven ding ham ana sei ute:

1. Khutsop jing ding (step jouse jui ding): Hichehi apoimo pen ahidan ajeh achung a imutaove.

2. Mask kitom ding: Hiche hi adamlou ho ding a poimo pen ahin, mask kibol hin mitamtah hinkho aven dohthei ahi.

3. Social distance bolding: Ipu ipa-u khang apat kingailu mite ihijeh un hiche hi ahah peh hiding in katahsan e. Ahinlah hiche natna kilah sondan ihet u ahitah jeh in, ikingailutnau vetsahna'a social distance phatea ijui diu ahitai. WHO injong covid19 natnahi moh beilou ding'a asejeh in, kivenna dia hoipen chu social distance hi ahitai. Ateh ahan inu ipa ipi ipu ngailut najal a hiche hi ibol tei diuvin tem ahi.

4. Tuidon a itahsa suhnou jing ding: Twidon hi aphatcheng a poimo itahsa adia manlu tah jong ahi. Twi hi mihem-te adia damdoi khat ahijeh in twi hadon ding'in ikitem un ahi.

5. Immunitysuh hat ding: Saa (meat) bou haneh khel angaipoi, anche, thei (fruits) hohi tahsa adia phatah jong ahi. Chuleh jaan imut jonghi immunity a dia poimotah ahin, mipilhing khat pung 7-8 hrs mut tei ding ahi.

6. Bolding le bol-louding: Japi lah a chil mohsit bollou ding, chuleh hoilai hijongle ikhut (cough) tengleh ikam handkerchief ham tissue ham a tomding ahi.

**STAY SAFE AND SAVE EVERYONE,
YOU ARE A WARRIOR
BY STAYING HOME**

“MI OIMO HIH IN”

Matthew 7:1

Rev. Tingoulen Haokip
Pastor, Gambih No. 4(23)

ARTICLE

*Amasan damna leh phatpha eipeuva Pa Pathen thangvah in umhen. Chuleh, muntinna tahsan chate, houbung miteh-
housse Jesu Christa min'in kangailutna salam kahin bolle.
Tuni nikhoa ikihoulimna ding uvin chungu thugol chomcha
kitah lang hi lunggil tah'a ina gelkhom diuvin ikitem uve.*

Vannoi leiset tudinmun chung chang'ah ipi lunggel nanei em? Mihem tamtah nehding chah ding neilou aum'in; gilkel dangchah thoh'a hinkho mang'ah tampi aum'in; kimanchahna ding sum le pai neilou tampi aum'in; nikhat tahbah jong nikhotha akilo louleh insunga nehding imacha neilou khop hella hinkho mangjong tampi aum'in ahi. Mihem abangkhat loi, thina manna um jeh'a lungmong theilou jong aum'e. Gamsung thunoh baotam jeh'a inmun loununna lungmong tah'a umtheilou jong akitam'e. Mihem konkhat loi, anei anga mangcha'a khut lhang jinga hinkho mang jong aumkit in ahi. Ahileh, Jesu tahsan houbung mite dinmun hoilai aphah tah em? Vannoi leiset a mijouse natna hise jeh'a aboi laitah'a, eiho itobang dinmun a ium uvem?

Tulai tah'a i-society sung, i-houbung sung uva pohnat umtah khatchu ahileh, eiho leh eiho ki-oimoto jinga hinkho imang jing uvin; chuleh, hiche hi tule tu idinmun ujong hiding kag-ingchan ahi. Eimite umna pou pou ahin, ki oimona aumtei jin; lhagao thu kiseina hi alhom l'heh jengin ahi. Social media hojong

eihoa ding bouvin ikilah khah'un, eiho thu thupi tah'a kiseina mun dannin igel gam tauvin ahi. I-society uva thu haseilou, chingthei tah'a hinkho mangho hi angol, imacha helouvin akikoi kit'in. Sopiteho, Pathen tahsan mite chu ihuva ahileh, Christa dungsunna hinkho iman jingu angaije. Solchah Paul in, Keima

Christa dungsunna kaum banghin, nangho jong Keima dungsunna um'un atin ahi.

Matthew 7:1 "Oimoa naum louna dingugin mi oimo hih'un," tin aseije. Hichea konin, Mi oimo hih'in kitihi iladoh nom uvin ahi. Bible chang in aseihi chomcha hilchetna ananei masa tadiu hite. Bible thuhil hetna dingin 'oimo' kiti thucheng hi jat ni'in akikhen in ahi. Amasa chu mihem achonchan leh anatoh oimona chuleh anina hi amihempa oimona tin akilheh khen theijin ahi. Jesun hilaija, oimoa naum louna dingugin mi oimo hih'un tia aseihi amihempa/mihem oimona kinеiji pahi aseina ahi.

Mihem khatchun, midang khat hina, lung heidan, lunggel, asunggil hinkho, ahinna chungaga oimona apehlou ding ahi. Ajehchu, Pathen in bou mihem chungaga thu atan theijin, Amabouvin oimona apeh thei ahi. Rome 14:4 in 'mi insung soh oimoa nang koi nahim? Adin le alhuh apakai paa bou ahi,'ati. Luke 18:11 sunga hin Pharisee khat'in midang aoimona thua Jesun vetsahna khat ineijuve. Hiche Pharisee pahi hin hitin aseije, 'Vo Pathen, keiman nangma kathangvah'e, Keima midangho banga hunam'a la a le chondihlou, jonga, chule hiche kaidong tobang jong hi kahipoi,'ati. Hitia

thu kiseihin akoma dingpa chu aoimo ahi. Pharisee mipa hin kaidongpa sanga phajo kahi tia aseina ahi.

Hitia midemna, mi munemna lungput nei kitihi thilpha ahipoi. Hitobang thutanna midang khat chungaga kinei ahilouleh oimona hi Christiante bolding dol ahipoi. Hilai Pharisee mipa tobang hing hohin mi setna aholjiuvin, mi suhnem teiding agojiuvin chuleh, midang khatchu akipal luh'a, chonsetna a alhah tengleh akipapi jiuvin ahi. Hitobang mi hohin mi phatlouna thu kiseiho bou angainom uvin ahi. Chuleh, mi oimona thua lungput dihloou nei kitihi ngailutna toh kikal ahije.

Ahinlah, anina'a oimona thu kiseihi adih ahin chuleh, mihem kisuhdihna dinga angaicha khat chu ahi. Hichea oimona kisei hi ahileh, polam mitmu'a mihem athilphalou bol ho chungaga oimona kipe chu ahi. Eihon achonse pachu i-oimo loudingu, achonsetna joh chu i-oimo dingu ahibouve. Mihem anatoh le achonchan phalou chu oimo ding ahi. Jesun hitin aseije, 'uicha ho khu thil theng pe hih'un.' "Uichaho" tia kiseihi Pathen douna natongho kiseina ahin; Pathen thu angainom pouvin ahi. Pathen melma'a pangho hi het angaije. Amaho chu agauva

(fruit) hetdoh thei ahi. Hijehchun, hiche aga nauhi oimo ding ahi. Mikhat chun adangkhat oimona apeh khah tah'a ahileh, abol chu gapha sona dinga abol angaije.

A-ipi chu hitaleh, Oimona/ki-oimoto hi thilpha ham? Thilpha ahipoi. Ajehchu, nangin tunia midang khat chungu thu natanna, naoimo khah le, naki oimona nikho khat hung lhung tei ding ahi. Thusei minthang khat'in hitin anaseije, nangin nakhut jung khat'a mi nako ahi; ahin, nahetlou kah'in nakhut jung thum maman nangma naleko ahi, ati. Mihem hinkho chedan jong hitobang bepbou ahibouve sopiteho.

Kihilto, kiphohto hiute ahin, ibol houhin gapha, thilpha asoding hi gelmasah angai jin ahi. Mi manna dinga lunggel, lungthim neilouvin, aphantna diuvin thu seijoute. Athupi penna, bible hi ilampi diuva thao meijin neijing uhiute. Leisetna i-chanpi hinkho imankhom dingu ham? Jingle nang che masan natin, abanna khat hung chekit intin, hitia hi hinkho um'a ahibouve.

Christian hinkhoa dinga athu-pipen chu, hoilai mun hihen, itih phat hijongleh ihinkho hi Pathen choianna a manding

hi ahi. I-kidoh nom'u khatchu ahileh, Pathen thu hi phate keija najui hinam? Pathen thun ase hi anatoh'a napohdoh hinam? Miching khat'in hitin aseije, Christian hohi bible mi ahuiue; Christian hohi houin kai mi ahuiue chuleh, Christian hohi gospel mi ahuiue atin ahi. Tahbeh'a seidinga hiche hi adih ahi. Iumnau mun jousea hi Pathen loupina phon-doh jing ding ahi.

Achainan, Christa'a sopi deitahte ho, kidemtona pailhah taute, ki oimona ho pailhah taute. Mi oimo, demna akon nangle kei dinga aphachom ding ima umlou ahibouve. Solchah Paul'in, kati hi kachup chup'a kathua kanunsah ahi, tin aseije. Chutobang chun, eihon jong hiche tahsa pumkhat sunga um, lei (tongue), tibah neicha hi atuh tangje heleu hen, ihinkho man uhi Pathen lungdei hikha ding ham tihi ahi. English thuchih in, "Talk less, Work more," hichu kam tamlou ding, na hatoh joh ding tina ahi. I-society, houbung sung uva akam tamding kichu sanga, aha toh ding ikichu tenguleh, society khangtoug, houbung khangtoug chuleh ihinkho ujong khangtoug ding ahi. Pathenin hiche simdoh ho jouse nabonchauvin phatthei naboh jing tauhen, Amen.

2021 KUM A STS NIKHO THUPI

“Pathen Leng-gam Natohna dia Kichuhna/ Themjilna”

Sermon

Thupi sein a pansatna ding Bible chang deilhen: Daniel 1:3-5 ; Acts 7:20-22

Mitheng Paul in Rome mite henga lekha anathotna a chun, “...nidang laiya thu kisun chengse chu . . . eiho kihilna dia kisun ahi,” atin ahi (Rom. 15:4). Hiche dungjui hin, Pathen thulam le Pathen natohna dia kijilna/ kichuhna lam thua hin Pathen lekhabu Thenga kon a pansatna thei tampi umlah a tunia dia deilhen Bible chang hung kipe Daniel Themgao Lekhabu le ‘Acts of the Apostles’ kiti Solchah te Thilbolna lekhabua kisei hoa kon a pansan seiyou hite.

Thulhun Lui langa Daniel lekhabu 1:3-5 sung hi ivet a ahile, Babylon lengpa Nebuchardnez’zar in Judah leng-gam khopi Jesusalem agasat a, Judah gam lengpa Jehoiakim ahinkaiya, Pathen houin a khon ho ahin chop a ama leng-gam sung ahinlhut jou chun, asepai nukiso ho lah a lamkai pipupen ‘Ash’penaz kitipa jah a chun, Israel mite lah a kon a mi phabep Babylon leng-gam sunga ahin puilut din thu apen ahi. Hichea het ding khat chu: masang laiya chu gam khat le gam khat/ leng khat le leng khat akisat tengle ajoupen pen chun alelpen leng-gam mite chu gal hinga anamat uva amaho leng-gam sunga anakailut jiu ahi. Hitobang miho lah a lengpa thupeh dungjuiya ‘Ash’penaz in ahinpui ding dinga kisei mi phabep ho chu

Israel mite lah a leng insung mite lah a kon le milen milal te lah a kon hiding ahi.

Amaho chu gollhang jeng hiya nolna bei hidiu, atahsa hoitah, chihna nei mi, hetna bukim soh, thepna dol a thil hetkhen je them, leng inpia jong goi dinga lolhing thei mi hidiu ahi.

Hichea deilhen miho hi akivet le, amaho chu moh mimai, mai hiloudiu, tahsa lim le mel a bulhing, chihna, hetna le thepna nei mi hidiu ahi, ti kicheh tah in akimun ahi. Hitobang mi ahinau chung chon a amaho chu Chaldea (Babylon) mite lekha hil a apaovu jong hilthem ding, hitia chu amaho chu kum thum sunga kihil diu (Training/ kichuhna aneidiu), kum thum akichai tengle leng inpi sunga ding cheh diu ahi.

Hitia kichuhna nei (Training kipe) miho chu kichuhna (Training) chu achai tengule amaho chu leng inpia natonga pang dinga ahi. Leng inpia natong ding kiti chu moh mipou pou pang theilou, tahsa lhasam le hetna chihna le thepna lam a lhasam miho le minem nungho

pang theilou ding, leng insunga kon le milen milal insunga kon ahina chung chon a tahsa bulhing, hetna, chihna le thepna a bulhingset mihon atoh ding tina ahi. Hichea dinga miho chu kichuhna (Training) kipeu ahi. Hichea hin, toh mun len/ tohmun thupi khat a natong ding mi khat chun phatah a kichuhna (Training) anei masat angaima ma e, ti kicheh tah in akimun ahi.

Thulun Thah langa 'Acts of the Apostles' kiti Solchah ho Thilbolna lekhabu 7:22 na ivet le, ". . . Mose chu Egypt miho chihna le themna jouse ahilun; chuin ama chu athu le athilbolin thahat tah ahitai," akitin ahi. Pu Mose chu aneolaiya Egypt miten Israel chapangho athagam nauva kon a asochatna dia anun khoigip sinkum sunga akhum a vadung twi lah a agakoidohna a Egypt lengpa Pharaoh chanu khel khelin agakimudoh a, kivah dinga ahin kilah a akivah ahin, Pathen thusah jong hintin, anu (Mose hingnu) khel khel chu nao sinin anapang kha kitin ahi. Hitichun, leng inpia hungkhang lending titah ngei chun, Mose jong chu Egypt mite chihna le themna jouse ahilun, thulam le thilbol lamin thahat tah ahung hidoh tan ahi. Hichea Egyp mite chihna le themna kiti hin hetna, chihna le thepna bahkai (Science, Arithmetic, Geometry, Philosophy, Astrology, Medicine le thepna bahkai dang dang ho) jouse ahop sohe hel ahi. "Athu le athilbolin hat tah ahitai" kitina a hin, Mose chu kam kipeh lou, lei kieph lou, thuseiya ngongkai mi ahi (Ex. 4:10).

Ahin, hichea hetding khat chu, thua thahat kiti hi, lei le kam kipeh pel a dangnal tah a thu seidoh vanga, chihna le hetna apanlou le athu che ahideh pon, lei le kam kipeh loutah le ngongkai tah in thu kisei jongle ikam sunga kon a chihna le hetna pum a hunei tah a thupotdoh a kon a bou ithu che ahijon ahi. Mose chu lei kileh lou, kam kipeh lou, thusei ngongkai ahivangin, asopipa Aaron chu ama thuphong doh in apangin, hitichun achihna athepna dungjui chun thua thahat tah ahi. Hitichun thilbol lam a jong thil bolthei tah le thahat tah ahi. Hitobang hetna, chihna le thepna chule thil boltheina lam a kichuhna (Training) bulhingset a hung seilen ahijeh chun Khonunga Egypt gam a kon a ami Israel te puidoh lamkai dingin Mose chu Pathenin ahin tungin, Israel mipi lamakaiyin ahung pangin ahi.

Hichea Daniel le aloiho, chule Mose hinkho ho hi ivet le, amaho hi lamkai phatah, tah/ lamkai lentah, tah le lamkai lolhing tah, tah ahung hidoh nau hi, hung moh hi jeng ahipouvin, kichuhna (Training) phatah hinla mi jeng ahivu. Hichehin, hou lamkai ahiloule Pathen natong ding mikhat chun amoh toh, toh jeng ding ahipon, lamkai pha le lamkai lolhing ahitheina dinga nasatah a kichuhna (Training) alah/ anei masat ngai ahi, ti kichen tah in eikomuvuin ahi. Hitobanga hi, Shalom Theological Seminary (STS) hi hou lamkai ahiloule Pathen natong ding mihon phatah a Pathen na atoh theina diuva kichuhna

(Training) alah/ aneina diuva kibol themjilna/ kichuhna munci chu ahi. Hijeh a chu, houbung mite jousen igelkhoh uva, hiche College tosotna a phatah a pan ilah-uva, pilhing tah le lolhing tah a tundoh teina dia houbung mite jousen Pakai min a tomngai tah a pan ilah jing diu ahi. Chule akisei banga Pathen natohna dinga kigotna le lunglutna nei jousen ihin jot cheh-uva hiche themjilna mun a hi themjilna/ kichuhna ihung lah cheh diu ngai ahi.

Pathen natoh kiti hi lamchom chom tampi in aumin ahi. Lhagao mangthai ho huh-hingna (Winning lost soul/ salvation) natoh seh, seh jengbou chu Pathen natoh ahipon, genthei vaicha, ana/damlou kithopina natoh jong Pathen natoh ahin, tahsan chate kiloikhomna houbung vetsuina natoh jong Pathen natoh ahin, hitobanga chu lhagao mangthai ho huh-hingna natoh tongding ho le houbung vetsuina natoh le alam, alam a tong dingho semna le kichuhna pehna natoh jong hi Pathen natoh thupipen tah khat jong ahi. Hijeh a chu, hichena dinga ibolu STS hi houbung miten ihet themuva, hitobang mun pilhing tah sodohna dia sum le pai, tha le jung, chule taona a pan hatah a ilah uva, itosot jing-guva, hiche mun a phatah a hi kichuhna (Training) ilah jing diu angaiyin ahi.

Ihinseima bangun, hitobang kichuhna (Traininga) anakipeho lah a Daniel le aloiho: Hanani'ah, Mish'ael le Azari'ah ho chun Babylon leng inpia natohna dia

Training anakipeh laiyuva, tahsa le lungthim a geuchao louva alolhin theina diu deisahna jal a amaho Pathen houto kikal a aneh diu le adon diuva kipe Babylon lengpa neh le don phatah, tah ho jeng jong anehda, adonda jeng vanguvin, Pathen a dinga hangsan tah le kitah tah a apan-nau jalin Pathenin midangho sanga chungnung jo in hetna thepna le chihna chungnung jo apen, hitichun khonungin leng inpia tohmun sangpen pen, panmun a natongin ahung panguvin ahi. Pu Mose jong chu Egypt gamsunga chu chutobanga Egypt mite chihna, hetna le themna lam jousea bulhingset a Training hinchaiya thu le thilbol a thahat tah hungghi ahin, athahatna chu Pathen panglouva ama thua amanchah a Egypt mi khat anatha a kon chun analamvai yin, ahin Pathen thu ahingaiya Pathen anga kinemse le kiphalam tah a ahung um chun Pathenin ami Israel mipite lamkai lenin ahitung tan ahi. Hitihin, Pathen natoh kiti hi Pathen panglouva eima chihna, thepna, eima thahatna le hitheina jengseh a moh toh, toh thei ahipon, Pathen panna le Pathen deilam dol a toh molso theina dia, Pathen hetna le Pathen ginna pum a, Pathen thua nsatah a kichuhna neimasah angaiyin ahi.

Pathenin houbung mite jouse lungthim a athu phat thei eiboh peh tauhen!

Pakai le mipi lhacha

*Rev. Dr. Haoneo Haokip
Principal, STS*

Mission Column

MISSION & EVANGELISM REPORT:

Kipa thuphon: Pathenin itaonau asangin Missionary Haridas Meitei le a-insungmi mi 6 Covid19 Positive hia Panggei le Khuman Lampak Covid Care Centre a akijen nau akon in damthengin inlam ahung kilethei tauve. Adammo sung uvin KBC Office le Mission Board in jong ana kivilthei tapon, hijeng jongleh S. Phailengkot Baptist Church, KBC Gambih No. 2 in a-inmun uvah vilna leh taopehna chuleh sum le pai a kithopina anabolna chungah kipathu sangtah in kahin phonge. Pathenin alhachate damthengna leh thahatna hinpe jingta hen.

Arunachal Pradesh Mission Field Fasting Prayer: Achesa, Lhamul nisim 30, 2021 nikho'n Bekhuliang Village (Arunachal Mission Field) mun'a KBC Mission Field Pastor Lalboi Kipgen le aloinu makainan Arunachal Pradesh gamsunga KBC chuleh Pathen lenggam macha-ina din An-gol Taona ana kibol in ahi.

Tripura Mission Field a Houin sah machal jing: KBC Centre Church



New Lambulane makaina a Tripura a Houin kisa amachal jingin, tuhin sahchai kon ahitai. Houin hoitah a sahchai ahitheina dingin taona'n geldoh jingu hite.

Women Column

KUKI BAPTIST CONVENTION MEITHAI NIKHO

AUGUST 22ND, 2021

Temna leh Hetsah na

Jesu Christa thisan jal a kasahtah leh kakinep pi KBC gamsunga Pastor ho, Houbung lamkai, Nute kiloikhom na a lamkai ho leh mipi ho jouse, phat masan kangailutna salam kahin peuve!

Eiho KBC Events calendar dung juija ahung lhung ding August 22, 2021 Pakai nikho hi Meithai te nikho tia inaman jing u chu ahitan ahi. Ningkum a pat in Corona virus jeh in dei banga ana mang thei lou Houbung tampi ium ding u katah san in, tukum jong hitobang din mun in ium kit un vangset aum lhez e. Hijong leh ahithei dan dan a kigotna inei uva kikhop khom na umthei lou lai Houbung hon jong ahithei leh Zoom/ Virtual a hijong leh inaman cheh uva, hiche nikho a hi Meithai te dinga taona leh thilpeh ibol peh uva Pathen thua jong "Pathen lung lai gil a chamjing meithaite" ti thupi mangcha a ikitilkhon diu vin tem leh hetsah ihuive. Hiche na ding in Thupi leh Program alhangpi khat ahung kigong in ina man cheh uva apha jo cheh a jong ina kistem be diu vin tem na kahin nei je.

PATHEN LUNG LAI GIL A CHAM JING MEITHAI TE

Meithai ho hin Pathen lung lai alodim uve ti Pathen lekhabu theng isim leh mun tam tah a kon in muthei ahije. Pathen mi huhhingna natoh thil gonna a hin meithai hon pan mun thupi tah alo-u vin ahi. Gah hetthei dol phabep ho chu: Tamar, Ruth, Bathsheeba chuleh Jesu

nu Mary teho meithai ahinao pumpum in Pathen in alhatdam na tohgon suhbulhitna ding in anamang chaovin ahi.

Isreal gam a kellah laitah a Pathen in a mipa Elijah vah ding in Zerapheth kho a meithai nu ana ngan sen ahi. Naosen Jesu ni 8 bou ahilai jin Hou in a apui u chun Huhhing leng hatchung nung ahina ana phong doh a chu Meithai Anna ana hi e. Mihaosa ho leh hou lamkai hon sum le pai tam tah tah hou in na ato hou sang in meithai nu sum san to chu Jesu Christan ana pah cha lhez jeng in ahi. Pakai Jesun lunglha louva tao jing ding thudol a aseijuite atilkhouna a chun Meithai nu thil thum chu tekah na ding in anamang chan ahi (Luke 18:1-8).

Pathen in meithai te itobang lom a akhohsah ham ti ihetbe na diu vin noiya hin phabep ana veohite:

1. Pathen Isreal te kom a thupeh ana neina a chun meithai

leh chaga abolgenthei lou hel diuvin ana sei jin ahi. Koitobang Meithai leh chaga bolgenthei ho chung a Pathen lung han na deujah ding ahi ti imuve (Exodus 22:22-24).

2. Pathen hi lang neina neilou, nehguh jong kilah lou, Meithai ho chung thu adih dih a tan peh ji Pathen ahi (Deut. 10: 17-18).

3. Pathen in Meithai ho, chaga ho leh khopem ho chu mihaothei ho gouva kivah ding in thupeh aneije (Deut. 24:19). Nelou donlouva aum diu alai anan hijeh a chu louma janga chang khop tup lai jong leh amaho chan ding khen doh pehdin thupeh ana neije.

4. Meithai te thu adih a tanding le heipeh pa chu gaosap chang ding in Pathen thupeh imuve (Deut. 27:19).

5. Chaga pabeite dia mipa a pang, meithai ho veng tup a pang chu Pathen ahi (Ps. 68:5).

6. Pathen in meithai ho leh chaga pabei ho akhohsah e (Ps 146:9).

7. Pathen in Meithai gamsung gamgi asuhphet peh pon ahi (Prov. 15:25).

8. Pathen in Meithai te thil dih seipeh ding in thupeh aneije (Isaiah 1:17).

9. Pathen chu meithai te inneipu ding in akiphah jeng in ahi (Isaiah 54:5).

10. Pathen in meithai ho chun keima eitahsan u hen atin ahi (Jeremiah 49:11).

11. Pathen in meithai nu sum san to chu tamtah in asan peh in ahi (Luke 12:41-44).

12. Pakai Jesun Nain kho a meithai nu chu alungset behseh jeh in achapa athisa chu ahindoh sah kit in ahing in anu apetan ahi (Luke 7:11-15).

13. Meithai kicheh tah ho jabol ding in thupeh einei jun ahi (I Timothy 5:3)

14. Pathen mitvetna Pathen ngaisah na dih tah chu nulou palou holeh Meithai ho agenthei naova vil na nei ja pan pi ho chu ahi (Jas. 1:27).

Igam sunguva hin pagong sang in meithai am jo jing in ahi. Ajeh khat chu pasal hoding in achanga hinkho man hi hahsatah ahi. Hijeh a chu pasal khat chu ajinu athi leh khongai sot louva jithah anei jeng ji ahi. Ahin numei hohi alhangpi in athoh hat nun, achanga hinje athem un ahi. Hijeh chun a inneipu thi tajong leh chanu khat seh ahilou leh chapa khat seh seh jong maan pi a jinei kit talouva meithai hinkho mang numei tamtah aum in ahi. I gam sung u meithai din mun i vet teng leh gal leh tol jeh ahilou leh

natset jeh a meithai kibelap jing tobang in aki mun ahi.

Meithai ho hin alhang pi in hahsat na tamtah atoh un ahi. Lungdon lungkham na kibelap jingna, kichat tijatna chom chom, lung neo na, jum leh jachatna, seisetna, minsetna leh noisena leh adang dang tamtah thoh ding anei jing un ahi. Itobang hahsatna toh jong leuhen tunia meithai te dinga ikitilkhouna diu chu chung a kisei banga Pathen lung lai gil a cheng jing ihiuve, Pathen in angailut tah leh akhohsah dehset ho chu ihiuve ti sumil louva kipah tah leh lung mong tah a Pathen tahsan na leh kinep na pum a hinkho iman diuvin tem ihiuve.

Houbung ho leh mimal tahsan chate jousen jong meithai te chung a bol ding Pathen thupeh hohi kihet mosah louva khohsah na nei tah a meithai ho chung a ibol diuva lha Pathen in einganse na hou isuhbulhit jing ding u angai jin ahi. Ajuh chu meithai te hi Pathen lung lai gil a cham jing ahiuve.

Pathen in asim jouse phatthei boh taken !!!

Meithai nikho Pathen Houkhom na Program

<i>Lamkai</i>	: <i>Women Chairperson</i>
<i>Thangvahna La</i>	: <i>Ateh akhang ibon chao vin Jesu vahchoi la saote (Hb. La. 69)</i>
<i>Thangvahna Tao</i>	: <i>Houbung Men Chairman</i>
<i>Special No.</i>	: <i>Sunday School Chapang ho</i>
<i>Neitokhom Thenso</i>	: <i>Head Deacon/Deacon ho lah a khat</i>
<i>Meithai ho taopeh na leh thilpeh phat:</i>	<i>Head Deacon/ Pastor</i>
<i>Bible simphongna:</i>	<i>BYD Chairperson (Text Ps 68:5)</i>
<i>Labung</i>	: <i>Church Choir/ BYD</i>
<i>Thupi leh a Seiding</i>	: <i>"Pathen lung laigil a chamjing meithai te" – Preacher</i>
<i>Kipeh lutna la</i>	: <i>Kaphalthengtai Pakai ding in (Hb. La No. 387)</i>
<i>Khumkhana phattheiboh na tao:</i>	<i>Speaker</i>

Taona Bidoi:

1. Dettah a pang jing Meithai dinmun lolhing tah a mang ho jal a Pathen thangvah na peh ding
2. Meithai ho leh achate diu va lhagao leh tahsa a akihin sou va Pathen deija hinkho lolhing amanthei na diu
3. Ama nopsah na lam jenga kipe meithai ho dinga
4. Houbungin meithaiho chung a abol ding dol u abol jing thei na diu
5. KBC Women Department in meithai ho dinga tohgon pha aneibe theina diu

Pakaiya nalhachao

Tingneihing Kipgen

Women Secretary

Kuki Baptist Convention (I)

STS Column

SHALOM THEOLOGICAL SEMINARY

S. Lhangnom (Saitu), Kangpokpi District, Manipur – 795107

Affiliated to Senate of Serampore College (University)

*Rev. Dr. Paokhohao Haokip,
Principal. STS*

Houbung lamkaiho le houbung mite jouse I-Pakaiyu Jesu Christa minin ngailutna Salam/ Chibai kahinpeuve!

Kum sunga ikimanachahna diu melchihna lekhapheng (KBC Calander of Events) dungjuiyin achesa 8th August, 2021 (Sunday) nikho chu KBC in Pathen thu jilna (Theological College) khat ibol-u achomlam a STS tia ihet-u Shalom Theological Seminary tosotna a taokhomna nale tokhomna nikho chu anahitan ahi.

Taona ding ho

1. Senate Serampore College (University) noiya STS Affiliation imunau (Recognized ihinau) chung a Pathen thangvahna.
2. Prinipal le atohkhompi Teaching Faculty le staff ho dinga taona
3. Student ho dinga taona.
4. Governing Board (Theological Education Board) ho dinga taona.
5. Sum le pai lam a hongphal tah a ikithokhomuva, chule Pathenin sum le pai munathei lampi pha, pha ihingonpeh-uva, College pilhing tah a iboldoh theina diuva taona.

Affiliation Kimudan

2021 March Iha sunga Affiliation a dinga Senate Commission Team hungding chu vangset umtah in Covid-19 Second Wave ahung khoh set jeh in ahung thei kit tapouvin, chechung chon chun Commision Team a hungding lah a alamkai ding pa le Senate Office a hichelang thu tuhpa Senate Registrar pa jong Covid-19 natna in ahung thikit tauvin ahile, Commission Team ho chu ahung thei tapouvin ahi. Hiphat chun Pathen henga taona to thon Virtual Commision (Zoom Meeting) beh eigonpeh tei diuvin hatah in anakitaovin ahile, Campus tour video Recording bol a thot ding, hichea chu akilolhin le Virtual Commission ahingon diuvin thupeh eihin neiyun, Pathen a taona pumin Campus tour Video Rcording chu akibolin, akitthot in, Pathen jal a lolhinna akinei phat in Virtual Commission ding ahin gonguvin, hitichun 8th June, 2021 nikho chun Commission Team hoto chun Zoom Meeting anakineiyin, Pathen panpina jalin hichea chun anakilolhing kit-in ahile Senate chena dan dungjuiyin Provisional Affiliation chu anakimutan ahi.

Tuchan a Natoh Machal Dan

Kum phabep pi Gamnom Sapormeina mun a Temporary Campus a anakium

chu, Senate of Serampore noiya Affiliation kidelna a angaicha ho dungjuia kigot lou akhoh tah jeh in, 2020 kum June lhasung chun Infrastructure lhin jepna mun S. Lhangnom (Saitu) mun a anakichon tan ahi. Hicheto lhon chun Office, Class room le Student ho lupna touna ding thil tampi akilamdoh tan ahi. Library Development jong hatah in akibolin, tuchanin Library a lekhabu 15,000 (Fifteen thousand) val akikoitan ahi. Chule Office le Library a manchah dingin Computer 4, Xerox Machine len 1 le Printer 2, lekhabu koina (Racks) 20 val akichodoh in, donate hung kibol pumin 30 val akikoitan ahi. Light/electricity achatvai tengle Power Supply din Machine le Battery len 4 jong akicho in, ahin hichehi nengtah le bulhingset a mankham ahiihi laiye. Chule Office a ding le Dining Hall a ding Refrigerator, cha omna le angaicha thil dang tampi akilamdoh tan ahi. Chule tuhin Dining Hall athah Staff Quarters khat akisadoh in, Men's Hoatel khat sahna natoh akipan kit tan ahi. Hichea dinga hi sum tampi lut ding ahijeh in, Convention le houbung ho jouse, chule mimal a Pakai min a pan hatah a ihinlah-u angaiyin ahi.

Faculty, Staff & Student Strength & Activities

Tuchan hin STS jilkung M. Th a pat chunglam Degree neicheh Core Faculty mi 8 le Visiting Faculty mi 5, Student mi 21, Librarian 1, Assistant Librarian 1, Office Assistant cum Accountant 1, Chowkidar/ Care Taker cum Peon 1, chule Kitchen Staff 1 akiumin ahi. Student ho hi tahsa le lhagao hinkhoa khantou machalna aneidiu hatah in akigelkhoh in, Class a Subject ho kihilna chung chonin Extra Curricular Activities (Devotion, vesper service, Sunday worship service, Music class, Scripture knowledge kibe jingna dia Bible text simjing, Practical Ministry, games & sports, social work le adang dang) akibolpi jingin, Pathen deilam hinkho manding dan le chonchan pha ahikil jingin, akitilkhoh jinguvin ahi. Chule KBC in kibol college ahina le hiche mun a simlai ho jong atamjo KBC houbunga kon ngen ahijeh in, KBC thu het themna (Understanding KBC) kiti thu jong akihiluvin ahi.

Tu le tua agang ganga tohdoh le lamdoh louva khoh ho

1. Men's Hostel Foundation kipan gang tah a sah chai ding angaiye.
2. Library a student ho manding Compter 5 koilou akhoh e.
3. Meivah aphot lou kom a manding Generator len khat angaiye.
4. Houkhomna a manding Sound System angaiye.

Hicheho lamdoh jou theina dinga Pathen henga taona a hatah a pan hinla cheh dingin Pakai minin ikitemuvin ahi. Chule koitobang mimal hihen, houbung hijongle ikiloikhom nau KBC a inatoh u gelkhohna le Pathen leng-gam natohna dinga, chung a kiseiho lamdoh theina dia (athil a hihen, asum a hijongleh) ajokham kham a pan hinlanom ho jouse Pakai minin kipah tah in lem ihuue.

Pakai le mipi lhacha

Rev. Dr. Haoneo Haokip, Principal, STS

Education Column

KUKI BAPTIST CONVENTION CHRISTIAN EDUCATION SUNDAY 5th September 2021

Hetsah le Temna

Pakaija lhatdam kachankhomp, tohkhomp Pakai lhacha ho leh KBC Houbung mipi ho jouse,

Amasan i Pakaiyu Jesu Christa min in kangailut na salam kahin peuve. 2021 KBC Events Calendar dungjui jin tukum Christian Education Sunday hi 5th September ahitan ahi. Hiti ahijeh chun tulai Covid 19 natna jeh in kiman chah dan leh Pathen houdan jeng jong kikhel na tamtah um jong leh ahithe theina ikigon nuva hiche Nikho thupi tah hi Houbung miten iman cheh diu vin Pakai min in tem na leh hetsah na kahin neilhonne.

Hiche nikho le hin Jilkung ho le sikul kai chapangho dinga taopeh na inei cheh uva chuleh jabol na leh ngailut vetsah na thil peh jong abolthei chan in ibol diu vin tem ihuive. Neitokhom inei ding hou hi themjilna (education) ministry a kimang ding ahi.

Hiche nikho a kimanchah na ding Program alhang pi khat hung ki-gonga kon na hi aphantna ding leh ahoina thei chan na ikisem beuva lolhing tah a iman cheh diu kinep na lentah akineije.

Dr. Ngamkhai Mate
Chairman, CEB, KBC

Rev. Dr. M. Thongkhosei Haokip
General Secretary i/c CEB, KBC

REPORT ON EDUCATIONAL STATUS 2021

Kuki Baptist Convention in School le College aneivangin policy kicheh tah aumlou jallin minsetna le boina akitojhingin ahi. KBC in angaichatna het jeh a institution ho kiphutdoh a kichepi hilou- vin, midangin abol lal ho eihin not doh jeh uva pamai isah man uva ima geltoh dat dat louva isanuva ibol jeng jeh u chun abul kiphuna umlou tobang a kinbolna ihin neiyu ahitai. Ahin, ipijeh a themjilna ikhoh sahdingu ham? ti thudoh pipen hi hichen ihin chepi nunguva jong donbut louva kium ahitai.

Ipijeh pena themjilna ikhoh sah diu ham ti hi abulphuna pen thudoh ahitoh kilhonna hiche hi hung kiguonga ahi. Themjilna lama pan ilahna ding jeh u hi Bible thupeh juina, Tahsan kiphu detna jeh chule houbung khantouna ding jeh pen ahi. Soldohna Len (The Great Commission, Matt. 28:18-20) na a "Hiche jeh chun nangho chevin namtinna mi jouse seijuiyin gasem un ..." ati hi themjilna munphasema hiche thupeh bulhit ding ti ahi. Hichehi tua pat a houbung in mission natohtah tah a gel ding atina ahi.

Anina a, Deut.6:6 na a, "Chule hichengsehi nangman ... abon cha nachate naseipeh a lunglut mongmonga nahil jingjeng ding ahi" ati hin itahsannau phudet jing angaidan aseiyin ahi. Hiche- hi insung goh hilouva mission school hoa toh doh tho ngai ahi. Chule, themjilnamun ineilou uva chate/

chapang ho midang mission ho bolna school hoa akajingu le amaho thuhilna a chu lun- glutna ahin neidiu, apa-anute khang kichai leh hiche mission a achop lutna diu chance lentah aumin, KBC khonung a khantou sanga kkeh suh najoh hung hiding ahi. Hijeh chun, KBC aum- jing ding ideiuva, akhantou ding ideiyu le hiche themjilna hoa kikumlutna (intervention) ineiyu angailheh tai.

Hiche ho jeh a themjilna mun phatah ho phudoh ding ti vai kho- nung hijong le hetdoh a mission natohna phatah a bol ding ti hi tutua Con- vention lunggel le plan ahitai.

Tuchan hin KBC noiya themjilna hi thumbou akineiyu, hiho chu:

(1) Dr. Colvin Academy, Moreh –

1972 kuma Moreh Baptist Church in ana phudoh a, 1981 vella KBC ahin pehdoh uva, phat tinna office a pat a headmaster ding kisolpeh jinga anahie. Colvin a kona hungkhan- glen chapangho khonunga hetthei tah tah phabep aumdoh tai. Doctor, Cricketeer, professor, engineer, kiti ho phabep aum uve. Hicheho lah a Dr. Lalit MBBS, Dr. Semkhopao Mate, MBBS (AIIMS, Delhi), Rev. Dr. M. Thongkhosei Haokip, B.Com, MA, BD, M.Th, D.Th, tutua KBC GS hi chule adang tampi jong ahivu. Class I apat a class X (Ten) gei ahin, State board a co-ed a kibol ahin, tukumin chapang 300 vel aume. Tutua Headmaster Mr. Seikhongam Haokip, MA ahi. Chule, Colvin extension Haolenphai ah aumin, tukum chun chapang jong 100 vel ahivu. Asst. Headmaster in Mr. Boilen, KBC mission deptt. a kon ahi.

(2) Kangui Christian College, Kangpokpi –

Namboi laiya MTC compound a hung kiphutdoh anahin, MTC Imphal a kona Kangpokpi akichon ding phat a KBC te khut a hung uma, Class XI & XII simna le BA/BSc level simna thei ahin, jilkung ho jong qualified tah tah ahi- uve. Munnom tah a um ahivangin deibang tah in class teho kilahna aum thei beh hih laiyu. Pathenin CEB le lamkaiho chihna apah a hiche college hi nampia ding le student community a dinga phatthei channa asoteiya, city lah a jilnamun hoiho toh kibanga aumthei na ding hi deisah ahi. Tutua Principal Dr. Doulet Khongsai PhD ahivu.

(3) Dingpi Mission School, Khangbarol –

DMS hi 1999 kuma KBC in ana phudoh a Headmaster jong anasola anahin, chomkhat jouvin boi- na jeh in ana chejom thei tapon, ahin 2020 kum a pat in akitung doh kit in ahi. Tulaiya Covid-19 um jong leh class phatah in ache lha jinge. Tumasanga hiche school a hung khanglen khat eiho KBC Pastor a apangah Pr. L. Letminlal Khongsai jong ahi. Gamsung huh na ding le Pathen natohna a lolhing tah khat ahitheina ding hi deisah ahi. Ningkuma chapang 40 lhinglouva kipan hijong le tukuma chapang 103 vel ahitauve. Ningkum chun Class IV gei anaumin, tukum in Class V chan akiumsah e. KBC Mission Board in jilkung 2 achop a, haosapun khat achop a, Education Board in 4 achop ahi. Tu le tua Head Master hi Mr. Hengoumang Doungel, BA BD ahivu.

Tutuhin Kids English School, Govajang (KBC No.11) le Faith Academy, Jou- jangtek (KBC No.7) hi polam support akibollin, oja jilkung mi 2/2 akisollin ahi.

CENTRE CHURCH LE GAMBIH-HO

GAMBIH 1:

KBC Head Quarter Fellowship: Lhajing, nisim 7 in KBC Head Quarter Fellowship in Dingpi Mission School, Khangbarol vilna aneyiun, Christian Education Board (CEB) thakhel in Dr. Ngamkhai Mate, Board Chairman jong ana kalsong in ahi. Dingpi Misson School a dingin Iron Tables (detachable) 20, Plastic Armless Chairs 80 chule educational materials phabep jong H/Qtrs. Fellowship in DMS machalna ding apeuvin ahi.

Lhamul sunga KBC C/C New Lambulane kimanchahna: Achesa nisim 30/7/21 nikhon KBC C/C New Lambulane in itohkhompiu Rev. Jeeten Gajmeer, (apan adalhahna chungu) vilna le lhamonna aneyiun, Missionary Lhingneikim @ Neoshi Haokip, Missionary to Arunachal Pradesh, insung mite mi 5 tah Covid19 positive anahinau chungah vilna le taopehna aneyiun, Pr. Letzakai Singsit, Pastor KBC Gambih No.18, apa Chungkam Singsit in adalhahna chung chuleh ama jong Covid19 positive ahijeh a Dimapur a kijen chu vilna leh taopehna aneyiun ahi. Chuleh Pi Hechong Singsit, W/o Pu Seilet Singsit, Kelthel-manbi in hetman loutah a eidalhahnau chungu alhahna le achate mi 4 tah Covid19 positive ahikhahnau chungah vilna leh taopehna jong aneyiun ahi.

GAMBIH 4:

Bongphazol B/C Baptism Programme: Achesa August, nisim 8, 2021 (Sunday) nikhon Bongphazol Baptist Church munna tahsan



thah phondohna mi gup (6) akonna aumtoh lhonnin twilutna kin jong kilom tahin akibol in ahi. Hettei ding khat chu, Bongphazol hi khotah, houbung thah, mi lhomcha kiloikhomna ahin eiho KBC houbung vang ahi naipoi. Pathenin pha asah leh chomkhat jouteng

iki loikhomnau KBC a hi thanom tah a hungpang dinga ikineppiu houbung khat jong ahi. Pathenin phatthei bohjing tauhen. -Rev Tingoulen Haokip, Associate Pastor, KBC No.4

Phaijang B/C Baptism Programme: Achesa, Lhamul nisim 25th 2021 (Sunday) nikho'n KBC No.4 (23) a um Phaijang Baptist Church



munna tahsan thah phondohna sopi mi 12 akon aum toh kilhonnin, tuilutna jong akibol in ahi. Tahsan thah akibe jing theina din Pathenin Phaijang houbung phatthei boh jing taken. -Rev.Tingoulen Haokip, Associate Pastor, KBC No.4

Mongpijang Houbung thakonna: KBC Holistic Development makaina noiya, Lhamul nisim 4, 2021 nikho'n Shalom Theological



Seminary inn-munna thing-li keh phuna aum in, hiche Pakai lengpilei natohkhomna achun Mongpijang Baptist Church a kiloikhom houbung mite, mi somli le ni (42) vel injong Pathen le KBC ngailutna jallin nilhum in tha jekhomna ana nei uvin ahi. -Rev.Tingoulen Haokip, Associate Pastor, KBC No.4

Lhansong donna kin: Achesa, nisim 6/8/2021 nikho in KBC C/C Salem Sapormaina houbung a aumtalou NI. Phalneilhing @ Lhingboi Haokip leh Pa Thangminlal @ Lalcha Haokip lhansong dopehna kin Pu Limneo le a-insungmite'n anabol un, Hiche lhan song honna achun Rev. Henkhomang Tuboi, Pastor KBC C/C Salem Sapormaina kin thempun apangin ahi.

Achesa nikho phabep sunga KBC C/C Salem Sapormeina

kimanchahna: Lhatun 22: Evan. Anil Tamang, KBC Evangelist leh a-insungmite ho kithopina ana neiyun ahi. Lhaphul 25: Mission Secretary, Rev. Lamkeng Lhouvum Covid19 jeh a tahsa damlouva aumna a sum le pai chuleh lhamonna le taopehna jong aneiyun ahi. Lhaphul 27: Sapormaina Houbung sunga kum khat valcheh damlouva ana kijen ho kithopina ana peuin ahi. Lhadou 18: Lhakeh tasa Ng. Nenga Singsit tompon khuna le taona ana aneijun ahi. Lhadou 26: Evan. Paolam Kipgen apa (L) Pu Holkhomang mollemna chungga tompon le taopehna aneiyun chuleh Motjang Haosapi mollemna chungga jong vilna le kithopina aneiyun ahi. Lhadou 27: KBC in FMPB toh partnership a sponsor abol Evan. Gl. Tongminthang Kipgen, anatohna mun Punjab gam a dammona le anatohna a gentheina atona chungga kithopina ana peuin ahi. Lhadou 26: S.P Ngaimun a Pi Kimneineng Kipgen mollemna chungga adalhah achate chapang mi 5 ho sum le pai in kithopina ana peuin ahi. Lhamul 4: (L) Pi Tinkhoneng Haokip, M/o Rev. Lunkholal Haokip C/C Tuibong Pastor mollemna chungga tompon le kithopina chom chom ana peuin ahi. Lhamul 2: Rev. D. Lhukholal Haokip, ECA Mission Secretary mollemna chungga Saipikhup khat in along ana tom un ahi. Lhamul 5: Pu Henthanglen Haokip, gucha-michom hon athil-alo aguhmang pehnao chungga Houbung minin kithopina ana neiyun ahi. Lhamul 9: Evan. Helun Chongloi tahsa damlouna chungga vilna aneiyun kithopina leh taona aneipeh un ahi. Lhamul 9: A-umtalou Pi Ngailhing Chongloi, W/o Rev. Kamboi Chongloi, adalhah aji le achate vilna le kithopina anei un, Rev. Kamboi Chongloi jong mabanna hinkho sunga thohhat tah a apan jingthei nadin taopehna le pon silpehna jong aneiyun ahi.

GAMBIH 7:

KBC C/C Joujangtek Pastor Quarter thenso hita: Pathen phattheina le vangbohna jallin Lhajing, nisim 1, 2021 nikho'n C/C Joujangtek a Pastor Quarter phat sottah ana kiboipi jing chu Pathen loupina dingin Pakai lhacha C/C Pastor, Pr. Paogoumang Chongloi in Pathen minin thensona le inn-lutna kin anabol tai.

Lunghempina: S. Saheibung Houbung a um Pu Helthang Haokip, H/o Pi Hatling Haokip in achesa Lhajing, nisim 1 chun aleiset hinkho dalhan eina mollemsan tauve. Amahi Traffic Police ASI (Retired) ahi. Adalhah insungmite Pathenin lhamon jing taken. Amahi KBC Office Staff Ts. Hegin Haokip penna pa ahi.

GAMBIH 8:

Finance & Property KBC in C/C Tuibong vilna nei: Achesa nisim 17/07/2021 nikho in KBC Finance & Property Committee in KBC C/C Tuibong, Church building construction vetlhahna aneyiun mabanna tohgon ho jong seikhomna jong Building Committee member chengtoh aneyiun ahi. Agangthei pen a Hou in sahchai ahina din Pathenin C/C Tuibong phatthei bohjom jinghen.

GAMBIH 12:

Molphei B/C Baptism Programme: Achesa nisim 1/8/2021 (Sunday) in KBC Gambih No. 12 a um Molphei Baptist Church munnah tahsan twilutna mi 3 in aneyiun ahi. Kin thempu'n, Pastor Lunlal Doungel



(Pastor, KBC Gambih No. 12) apangin, nilhah in member thah lahlutna leh Pakai Anjon jong akibol khomin ahi. Pastor Lunlal Doungel, Pastor, KBC No. 12

Sarang Tampak Guest House thenso hita: Achesa nisim 28/7/2021 (Wednesday) nin Sarang Tampak Baptist Church, KBC Gambih No. 12 in sot apatna nei dinga anagel jingu, jinlhun inn (Guest House) chu Gambih Pastor, Pr. Lunlal Doungel in Pa-Pathen, Chapa-Pathen chuleh Lhagoatheng-Pathen minin thensona ana neitai.

GAMBIH 16:

Kuraopokpi B/C Houin machal jing: Pathen le Convention kithopina jallin Kuraopokpi Baptist Church KBC No. 16 Hou in thah kisa amachal jingin ahi. Tuni chan hin houbung mipi (alen-ane, aha-avai) pannathei channin apang jingun, inching, in bang chuleh cement flooring chan chai ahitai. Tu dinmun hin doors, windows, roof ceiling chuleh electrification abangkhai aum nalaiye. Houbung miten kajotheng theina diuvin taona kangaicha jing uve, chuleh koitobang Houin sahna a chan neinom aum jongleh houbung dinga kipana lenpen hiding ahi. – Building Comtt., Kuraopokpi Baptist Church.

Office Diary

KBC in Oxygen Cylinder 12 lamdohbe: July 20, 2021: Pathen panpina le munchom chom'a tahsan chate hapanna jallin KBC in Oxygen Cylinder B-Type 12 aki lamdohbe in Rev. Dr. M. Thongkhosei Haokip, General Secretary in KBC Office munna thensona ana neitan ahi. Hiche Oxygen Cylinder chohdohna dinga mimal, Houbung, Department, Gambih chuleh lam chom chom'a pan hinla ho jouse chung a kipathu sangtah in ahung kiphongin, Pathenin phatthei bohcheh taken. Kuki Khanglai Lawmpi (KKL) injong Cylinder ho KBC Office mun chan eihung thahlut peh jeh uvin amaho chungah jong kipana alen jingin Pathenin mangcha jom jing tauhen. COVID Response tohgon hi kichejom jing nai ding ahitoh Ihonna koi hijongleh mihem hinkho huhdohna ding le Pathen natohna dinga pan hinla nom ho kipah tah'a kikhutsan jing nai ding ahi. Chuleh, Myanmar akon Cylinder choh ding ana kiti chu khat a Rs. 8,500/- hid-ing ahin, hichu India sunga dinga aki manchah dan le Refill boldan ahahsat thu Doctor in thumopna ahinnei toh Ihonna India/Phai a kicho ahitan, amanjong khat a Rs. 17,000/- ahitai. Hiche thudol a hetbe nom, hetsah nom chuleh suhdih nom aum leh damheucha- a Rev. Thongkholun Touthang, Finance Secretary (9862919705) le Rev. Onkho Haokip, Development Director (9862107393) contact jengthei hinte.

Rev. Wilson Chothe longdamsa lunghempina: Lhamul, nisim 28, 2021 nikho a Rev. S. Prim Vaiphei in hetsahna ahinnei dungjuiyin, Chothe Baptist Churches Association a Executive Secretary anahi



Rev. Wilson Chothe, dammona dang tampi jeh a JNIMS a hapta 3 lang ana kijen damdoh jou talouvin achainan Covid19 case jehin aleiset hinkho ana beita. Achanu tahpen inneipu, Rev. Sanglian toh hospital polam a ka kimuto uvin Rev. Dr. M. Thongkhosei Haokip, Gen. Secy., KBC makainan Secretary phabep in KBC min in alongdamsa pon agakhu uvin lhamonna taona jong ahinnei uve. Hiche pet

achu a-inneipi le insungmi dang hojong Covid19 Ward a um ahijeh un Secretary akalsong cheng toh akimuto thei tapouvin Mobile phone tailouvin lhamonna thu ana seithei tapouve. A insungmite taona'n geldoh jigu hite. Rev. Wilson Chothe hi a identity hemillou Kuki ngailutah mikhat ahi.

Women & Mental Health Online Seminar lolhing tah chai hita:

Numeite hi insung hihen hoilai mun hijongleh mopoh loupitah leh thupitah chang akihi'n, lhagao jeng hilouva lungthim le tahsa hattah le damthei tah'a aum jing ding'u jong akideisah toh lhonnin Women Department, KBC in Women & Mental Health ti thupi mangcha'n Online Zoom Seminar akibol in ahi. Hiche Seminar achun Pathen manchah tah Dr. Kimneihat Elizabeth Vaphei, Asst. Prof., PWS NIMHANS, Bangaluru, Resource Person in apangin, Seminar hi nidanni (2 hrs.) cheh nivei (two sessions), tichu, July 25 (Sunday) 1PM – 3PM chule August 1 (Sunday) 1PM – 3PM sungin ana kibol e. Numeite khohsahna jalla atumbah'a hung kigong ahitoh lhonnin nungah, nupi, meithai, hou lamkai jite, officer jite chule lamchom chom'a mopohna nei numeite jouse chungah kipathu ahung kiseiye. Hiche Online Zoom Seminar a angaicha sum le pai jouse hi Women Department, KBC pohdoh ahi. Ijildohhou gaa hinso nadin Pathenin numeite phatthei bohjing taken.

- Ms. TingneihingKipgen,
Secretary, Women Department, KBC

KBC Holistic Development kipa thuphon:

July 13, 2021 (Tuesday) nikhoa KBC Holistic Development Committee tohgonna noiya Shalom Theological Seminary (STS) Campus, Saitu-Gamphazol munna thingkeh (thingnou) phung 5,000 vel tuna a pan hungla agom in mihem 116 alhing in ahi. Hiche tohgon lolhinna dinga pan hatah a hinla Pastor ho le houbung mite, mimal a hungkon, KBC Office Staffs, Committee members, nilhum keiia cha-om le twikhai a pang, toh vaihom lamkaiho, gilkel-dangchah banna dinga neh le don ding chom chom hin tohdoh ho, thakon a hungcho pohna dinga gari hin tohdoh ho chuleh nilhum a ngaichat jouse hin boipi Baptist Church, Saitu Deacon Board le houbung mite jouse chungah jong kipathu sang tahin ahung kiphong in ahi. Ipankhomnau kithang-at aum in Pathen jong kipah inte. KBC phatthei chang jinghen.

- Rev. Onkho Haokip, Director,
Holistic Development Committee, KBC

MENTAL HEALTH

CRASH COURSE



KBC sung'a worker mi 60 valho chun June 14 apat in 28 sung chun Online (Zoom) mang cha in Mental Health (Lungthim damtheina) lampang kihilna lolhing tah in ana nei tauvin ahi.

Hiche thua hetgilna nei Dr Kimneihat Elizabeth Vaiphei, Assistant professor, Department of Psychiatric Social Work, National Institute of Mental Health and Neuro Sciences (NIMHANS), Institute of National Importance, Bengaluru, India, Ms Grace Nunnem, M.Phil PSW, NIMHANS, Ms Olive Tesong, M.Phil PSW, NIMHANS, Pu Thangminlun Vaiphei, Dy Directo, ECC, Bangalore, amaho cheng mihil in anapang uvin ahi.

Hiche kichuhna achun alhangpi in mihemte lhagao damna jeng hilouva tahsa le lungthim damna angaichatnaho le ipiti kimu theiya chule lungthim dammona neiho jong ipiti houlimpia chule iti lam dol'a jen ding ham tiho abonchan ana seikhom uvin ahi.

Pathen phatsah ahileh hiche kichuhna a ana kiseiho chule adang dangho gopkhom'a houbung mite jouse sim thei ding'a Lungthim Damtheina thudol lekhabu neocha hijongleh ahung kisemdoh ding jong kinepna lentah akineiyin ahi.

Pathen in hiche kichuhna jao jouse alenggam na atohnuava umpi jing uhenlang chule hiche thugil eina hil'u lamkaiho jouse chung'a jong kipa thu sang tah in iphong uvin ahi.

KUKI CHRISTIANTE LAH'A AMASAPENHO

1. 1990 kum in Pu S. Tongkholun Haokip Project Manager masapen hina in Hengjol C.D. Project ana kipandoh e.
2. 1981 kum in Rev. Doujapao Haokip Speaker hina in S. Changoung mun a KBC Workers' Training & Revival Programme masapen a ana kibolpan e.
3. 1975 kum apat in KBC Worker's Gambih kichot khel ahung kibolpan e.
4. 1984 kum in L. Sareikhong Houbung KBC level a NUPA CAMP masapen ana kibol e.
5. 1993 kum in Pastor Thangsat Kipgen le Haopu Singsit Editor le Jt Editor hina in KBC Centre Church Bulletin masapen ana kiboldoh e.
6. 1977 kum in KBC Service Rules ana kineidoh tan ahi.
7. 1970 kum in Imphal mun a KBC Worker Training masapen ana kibol e.
8. 1984 kum in KBC Sunga "Youth Discipleship Training" masapen ana kibol e.
9. 1987 kum in Man Bahadur chu KBC in Guwahaty mun a Nepali-ho lah a Missionary masapen in ana kisol e.
10. 1978-81 sung in Rev. Hawlngam Haokip USA ana ache in KBC na tong pasalho lah a amasapen ahitan chule 1991 kum in Ms Nemneikim Vaiphei anache in KBC natong numeiho lah a USA che masapen ahitai.

~ Courtesy : KBC Thuchinbu

TAHSA LEH LHAGAO PUIHINGTHEI THUGOLHO

Kiloikhomna thah khat semding ahileh eima dei minkhat manding ahi. Mipi leh apex body hetpeh naleh phalna umlouva nampi (Kuki) min moh manman lou ding ahi, Kiloikhomna sembe bezong pohlel baotam jeh hiding ahibouve. A member ding kikhelna umlouva kiloikhomna thah semzong angai ngai hiding kikhelna umdeh louding ahi.

Mikhat ivetna imu masatpen chu akivonna hi ahi. Kivon ahin amipa hina ichan geiham khat avetsah ahitai. Min nahin tahsan ding, nahin khohsah ding chuleh na ngailut leh nangma zong kitahsanna nanei nom'a ahileh kitup tah'a kivon ding geldou hih in.

Mi lolhing dingho athusei, alasa, chuleh akho heijin akihe theijin ahi. Naseilou vangin natibah ho namancbah danhin thu aseiyin ahi.

Kitah nahi apet petna din hahsalheh zongle khonnung chan geija damna leh lung olna ahi. Kitahlou nahi phat chomkhat mi lheplah'a jona hijeng zongleh khonung chan geija kichat naleh lunggel nomlou tah'a umna hithei ahi.

Inu lpa Pathien in leisetna eichingle dinga eipeh Lhagaothieng ahin sinmo/musit lou ding ahi. Inu lpa eingailu joding koima umlou ahi. Nanu napa nasinmo sangin nachaten nangma nahin sinmo khah dingham kigel inlang kihabol jole chun phading ahi.

~ Courtesy: Kalbi 40

Servanthood Quotes

"As we look ahead into the next century, leaders will be those who empower others." — Bill Gates

"I don't know what your destiny will be, but one thing I do know: the only ones among you who will be really happy are those who have sought and found how to serve." — Albert Schweitzer

"Organizations exist to serve. Leaders live to serve." — Tom Peters

"I suppose leadership at one time meant muscles; but today it means getting along with people." — Mahatma Gandhi

"A genuine leader is not a searcher for consensus but a molder of consensus" — Martin Luther King Jr

"The first responsibility of a leader is to define reality. The last is to say thank you. In between, the leader is a servant." — Max De Pree

"Service is the very purpose of life. It is the rent we pay for living on the planet." — Marian Wright Edelman

"True leadership must be for the benefit of the followers, not to enrich the leader." — John C. Maxwell

"It is high time the ideal of success should be replaced with the ideal of service." — Albert Einstein

"...when you choose the paradigm of service, looking at life through that paradigm, it turns everything you do from a job into a gift." — Oprah Winfrey

Courtesy- Kalbi 40

91st KBC EXECUTIVE COUNCIL KOUNA


Amun : T. Champhai Baptist Church, KBC No. 8

Anikho: 03rd September, 2021 (Friday)

Aphat : 07:00 am

Jesu Christa jal'a ngailut umtah KBC Executive Council member ho jouse, min lah'a minngei chungnungpen Christa minin kangailutna salam kahin bol uve. Achesa nisim 28th July a 91st KBC Executive Council postpone ana kibol jouvin Pathen lungset in thu le la jong ol jep dan in aum tan ahileh nisim 03rd September 2021 (Friday) nikho leh KBC Executive Council hi umdingin akigong in chutoh Ihonin Council member jouse kouna ahung kineiijin ahi.

Pathenin damna le phatpha eipeh uva Council lolhingtah a akichai theina dingin taonan geldoh cheh uhite



(Rev. Dr. M. Thongkhosei Haokip)

General Secretary

Kuki Baptist Convention (I)

2022 KBC General Assembly ding thu a kalsonna:

Lhajing, nisim 10 nikho in KBC General Secretary, Rev. Dr. M. Thongkhosei Haokip makainan Rev. Thongkholum Touthang, Finance Secretary le Ms. Tingneilhing Kipgen, Secretary, Women Department in KBC C/C Salem Sapormaina Church Pastor, Rev. Henkhomang Tuboi le atohkhompi Board of Deacons cheng toh ahunglung ding 2022 KBC General Assembly thu ah lunggel seikhomna aneyun chuleh KBC Ponlap (Flag) kipehtona jong anei tauvin ahi. Pathen phatsah ahileh ahunglung ding 2022 General Assembly hi Salem Sapormaina houbung in availhun ding ahin, alohin teina dingin taonan geldoh jingu hite.

LHAMONNA THUTHOT



(L) Pi Tinkhoneng Haokip,
W/o (L) Rev. Tongkholun Haokip



(L) Pu Chungkam Singnit,
F/o Pastor Letjakai Singnit



(L) Pu Santibar Gajmer,
F/o Rev. Jeeten Gajmer

Achesa 3 July 2021 jan pung 8:15 pm vel in Sapormeina Sipijang KBC No. 4 Loagos Children Home a um Pi. Tinkhoneng Haokip, W/O (Late) Rev. Tongkholun Haokip chu ana mollem tan, Amahi Tohkhompi Rev. Lunkholal Haokip , Pastor Centre church Tui-bong, ama pen na anu ahin.

Nisim 27 July 2021 nikho in itohkhompiu Maohing Baptist Church a um Ngailut um tah Rev. Jeeten Gajmer apen na apa in jong hetman louvin eidalha kit un Office lam a kon in jong Pu General Secretary lamkai nan Tompon setoh tho in aga ki op khom in ahi.

Toh kompi Pastor Letjakai Singson Tutua Gambih no.18 Pastor pen na pa (L) Chungkam singson in jong adamo na kon damdoh jou talou in angailut a innsung mite leh Houbung mite danlhan nisim 26 July 2021 pung 6:00 pm vel in eina dalha kittaovin, Ama hi (L) Rev. Seikholet singson chapa lenpen jong ahi.

Hitihin, achesa phatsung ah tohkhompi mi phabep insung ah, gelphah lou vin dammona chomchom jeh in insung kikhenna ana lhun tahjeh chun Office lam a kon in jong delthei chan in ana kidellut in Tomna pon leh Lhamon na thu seithei ana kisei jin ahi. Achesa phat phabep sung a jong chutobang a chu lunghem na hin tohkhompi mi ijatham khat insung a analhung ahitan, aphamo lleh jeng in bolthei dang la aum pon, hijongleh ikingapnau chung Pathen heng ah Houbung mite jousen itaonau vah kop jing ute. Pathen in Insung mite jouse lungmon lhamon na hinpe cheh tau hen.



Devt. noija STS compoun a thingkeh tuna agakineijin ahi.



Finance and Property in Tuibong Centre Church kisa jing lai vetlhahna aganei.



M&E program noija kigong Mission Field Bekhuliang a Fasting prayer ana kibol.

Post Regd. MNP/81
Regd No. 18134/88

Convention sunga Natgol lan jeh a Oxygen ngaichana
neiho kithopi theina ding a ana kiamdoh thah ho
Thenso na Pu Rev. M. Thongkhosei Haakip,
General Secretary, KBC in ana neitai



If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173